

第一三九冊

方輿彙編

職方典

台州府部

金華府部

衢州府部

(卷)

1001—1002

1003—1010

1011—1014

古今圖書集成

中華書局影印

第一冊

五言古詩

五言律詩

五言絕句

古今圖書集成

中華書局影印

欽定古今圖書集成方輿彙編職方典

第一千一卷目錄

台州府部彙考七

台州府兵制考

台州府物產考

台州府古蹟考

黃基附



職方典第一千一卷

台州府部彙考七

台州府兵制考

本府

通志縣志合載

台州衛裁鎮撫司改設衛守備一員左所千總

一員康熙十年改後幫領運右所千總一員改

徵屯中所千總一員改前幫領運前所千總一

員改後幫領運後所千總一員改徵屯添設前

幫領運千總一員城守管副將一員都司三員

守備三員千總六員把總一十二員馬戰兵二

百七十七名步戰兵五百五十四名守兵一千

九百四十名

順治十八年并前所桃渚杆葉立寨置兵爲守

康熙二十二年海寇悉平城守復舊

桃渚所 在海門衛城東北五十里有正千戶

三員副千戶四員操軍一千名戰船若干艘

烽墩一十二日石柱日中舊城日停嶼日嶼頭

日舊城日爬字頭日長跳日望大樓日大荆山

日獅子山日澗井日蒼埠

黃巖縣

鎮守黃巖等處總兵官一員駐劄黃巖縣方鎮

標中左右三營遊擊三員守備三員千總六員

把總一十二員馬戰兵二百九十五名步戰兵

一百七十八名水戰兵三百六十名守兵一千

一百零二名水守兵八百四十名

城守營參將一員守備一員千總二員把總四

員馬戰兵九十二名步戰兵一百八十六名守

兵六百四十七名

天台縣

原設防守消弭之策較前獨備參將一員都司

一員千總把總各有備員

仙居縣

鎮守上營 在縣西六十里朱設鎮守官一員

千戶以上充之彈壓官一員百戶以下充之寨

兵八十八營兵七十五人

鎮守下營 在縣治側元至元二十六年因發

寇入犯縣丞柴高申請增置營兵五十七人

逢仙橋 在縣西七十里初設百總一員部卒

戍之以盤詰奸細

羅城巖 在縣北五十里天台界與廣度寺接

嶠巖斗絕一線中通順治間周欽貴陳汝安倪

良許等踞之因於其地設戍焉把總一員兵五

十名

景星巖 在縣西南五十里順治十三年議於

其地設主客兵戍之金華把總一員兵五十名

台州把總一員兵三十名

夏開 在縣東南三十里設百總以察非常

寧海縣

額設城守營參將一員守備二員千總四員把

總八員馬戰兵一百四十名步戰兵二百七十

八名守兵九百七十六名

越谿巡檢司 按縣志在縣東二十里明洪武

三年巡檢劉煥章費印開設己卯裁革未樂元

年復設正統十三年藩臬會奏縣丞劉昌築城

高一丈八尺圍二百四十丈門一

皇清裁司改營房設兵屯守

曼魯巡檢司 按縣志在縣南七十里

皇清裁司設汛

寶魯巡檢司 按縣志在縣南八十里

皇清裁司設汛

鐵場巡檢司 按縣志在縣北六十里以上四

城規制同越谿

皇清裁司設汛

太平縣

設城守營參將一員守備二員千總四員把總

八員馬戰兵一百四十名步戰兵二百七十八

名守兵九百七十六名

台州府物產考 縣志

穀屬

白粳

烏節糯

菜屬

茄 有紅白二種一名落蘇

薯蕷 有紅白二種俗呼時菓

笋 有冬笋毛竹笋時笋笋鞭其類甚多

巖衣 生巖石邊

生菜

藥屬

麥門冬 俗呼沿街草

百合 花白者入藥

益母草 俗呼天麻

薄荷

山梔

罌粟殼

側柏

蒲公英

花屬

蓮花 有紅者白者千葉者並頭者

一丈紅 亦有白色者

天棘

草屬

觀音草 生山谷中人以盆盛清水沙石植之則青著泥則萎夏赤城有詩

龍鱗

龍鬚

風蘭

竹屬

猶竹 大而堅

木屬

櫟 生溪邊

芭蕉

貨屬

木棉 山田多產春夏間種秋開色白者上淡黃者下

紅花 可染

槐花 可染黃綠

茶油 細茶子爲之

芋 太平出者佳

藍靛

白蠟

麻油

絲

絹

禽屬

錦雞 一名吐綬

夜鷹 俗呼夜胡

練鵲 長尾形類鸚鵡

泥滑滑 自呼其名

獸屬

鹿 瘦身高足長頸禿尾色黃有白點性最驚

虞角銳新生爲茸補虛勞

箭猪 身多箭

狐 似狗而小尾如長帚能作妖惑人

熊

松鼠

魚屬

鱧 頭有七星夜朝北斗謂之地厭

跳魚 生海邊泥塗中其大如指色黑味豐俗呼彈塗一曰擲塗

青鱗 大如拇指

香魚

介屬

沙蒜 一名塗笋

泥螺 一名吐鐵

龜

蟲屬

水蛭 俗呼馬蝗

鼠負 瓦器底蟲一名伊威

蝙蝠 一名伏翼又名天鼠

班貓 生豆葉上

螻蛄

壁虎

台州府古蹟考

本府 臨海縣附郭

戶曹巷 在府治東又稱若齊巷唐鄭廣文虔字若齊爲司戶時居此杜子美詩云台州地闊

海冥冥卽此地也

錢忠懿王銅塔 後周顯德二年乙卯錢越王

俶所造塔高六寸重三十五兩塔內有十八字

曰吳越國王錢弘俶造八萬四千寶塔乙卯歲

記錢氏子孫與鐵券俱世守之雖兵火頻仍家

通志

業蕩廢而二物無恙武林顧豹文云余少讀書寶叔塔下距丈室十步計一塔高不踰尋相傳爲慶忌塔

皇清順治中圮有小塔百數陶製極工與錢氏所藏金塔形式脗合其爲八萬四千中物無疑云

元絳十橋 在府城古有三河曰清源曰新澤曰清水舊志載先因城中水多壅塞自括蒼門疏而之東南又東匯於崇和門以池積水號廣惠渠自錢氏歸宋後堙爲平陸每霖雨則內水淹沮值潮溢迭城飄蕩相望宋慶曆中文簡公元絳守台始開鑿通舟建十石橋以度車馬曰平橋在州治小廳前淳熙中朱守頤重建跨池爲屋左右植芙蓉會守幾有詩贊之

狀元塘 在府城東一里舊爲普濟院宋陳侍郎公輔居其西時尙布衣有客語其父曰此寺爲池當有擢上第者人未之信寺僧後以地污下徙於城東北未幾竟爲池政和二年陳果魁辟雍遂以名其塘云

綦宗禮故居 在府城東宋紹興中綦內翰宗禮以忤秦檜謫台居此因名綦內翰巷

沸瀆 在府城南門中有沸水方三尺孫皓時太守奚熙受戮於此其後水沸故名三國志鳳凰三年會稽妖言章安侯奮當爲天子臨海太守奚熙與會稽太守郭詡書非論國政誕白熙書皓使收熙熙發兵自衛部曲殺熙送首建康夷三族

茅盈丹井 在府城元妙觀內舊傳茅盈煉丹

於此宋尤守表詩厥初茅君上飛仙靈跡泝沸丹井泉

秦魯國長公主舊第 在府城東北隅公主朱

仁宗第十女尚錢塘少師駙馬都尉錢景臻南渡時尚存高宗極尊禮之奉居台州歲時饋問不絕開祐三年李守堅爲建美德坊今石柱尚存

小鑑湖 在臨海縣東湖北宋賀叅政允中先居天台萬年寺後罷政來寓於此以唐賀知章自請鑿湖一曲故以爲名有占春堂枕流漱石二亭後俱廢明王鴻臚復置白鷗莊亦在東湖後

鄭行人讀書處 在臨海縣鄭行人華明靖難時忠臣也未第時讀書巾子山南後出使嘗繪圖自隨所至名賢多有題詠

宋高宗御座 在臨海縣東一百二十里章安祥符寺按赤城會通記建炎庚戌金人至帝航海大章安鎮灘淺閣舟落帆於鎮之福濟寺顧問左右曰此何山對曰金龜山又問此處何所曰壯礪灘乃屏去警蹕易衣徒步登岸時寺僧住持方陞座道祝聖之詞帝忽然聞其稱贊之語甚喜戒左右勿驚怖而諦聽之少焉千乘萬騎畢集始知爲六飛臨幸野僧不嫻禮節恐怖失措從行有司教以起居之儀山下黃椒諸村之婦女聞天子至咸來瞻拜龍顏歡聲如雷曰不圖今日得親天日帝喜勅夫人各自遂便故至今村婦皆曰夫人建寺賜名祥符其御座至

今尚存

赤闌橋 在臨海縣南一百二十五里章安成公綬望江著雪賦處

仙人脚跡 在郡城東北六十五里當懸崖下小支流間有足跡跟在上足趾向下印於石上如人履泥中跡係左足比人脚跡長寸許相傳漢時仙人驅石造橋所踐者至今前山尚有石痕即所驅未盡之石存焉

米元章沸泉字刻 在郡東三山賀氏宅西有米芾書沸泉二字郡司理恕齋班彥功跋之昔嘗見米南宮大書第一山石刻筆勢飛動及詳玩沸泉二字又覺古拙中運巧真不負一代名士也

黃巖縣 壕頭 在黃巖縣南五里世傳漢兵七十二陣沒於此劇地得箭鏃之屬旁有楓木二根大可十數圍葉皆摩地

漢城 在黃巖縣北一十里按郡志臨海縣北一十里有莆林郡城相傳昔置莆林郡於此然未詳何時按縣志云昔有二童子戲於山上各立部伍壘石爲城縱橫里許一日而畢若有神助死而神降於山鄉人懼而爲立廟說亦甚誕東西二仙源 在黃巖縣舊志云東源在縣東北五里地仙劉奉林主之西源在縣南嶠嶺九十里地仙張兆期治之見洞天福地記今按杜光庭福地記東仙源在台州樂安縣西仙源在台州嶠嶺樂安爲今仙居縣而舊志及黃巖志

方輿彙編職方典第一千一卷台州府部

皆謂在黃巖未知孰是

王羲之墨池 在黃巖縣東南妙智寺東昔王

羲之爲永嘉守嘗宿於此緣硯而墨池存焉

御書樓 在黃巖縣慶善寺浮圖北畔高三丈

藏宋太祖御書今不存

天然石 在黃巖縣沙埠文公朱子大書天然

二字今徙置冠山

洪亭長家遺墨 宋朱文公爲常平使者與蔡

武博錫林府判猶經營蛟龍閣夜宿洪亭長家

題詩遺墨明宣德時其墨尚存後爲人取去

滴水灣 在黃巖縣馬鞍山側秦不華死節之

處後卽葬山下

天台縣

右軍墨池 在天台縣華頂峯相傳王羲之爲

會稽內史與支遁來遊洗墨於此今池水猶黑

石壘寨 在天台縣北五十里十五都關嶺之

北壘石爲之有李相公廟卽臨淮王光弼也蓋

唐廣德元年王師討袁晁處今遺跡尚存

洗馬潭寨 在天台縣西北下馬橋舊志有洗

馬潭唐裴甫之亂王師戰於福聖觀前時以國

清建寨與馬廠潭三墩堂皆諸將議事之所又

有王君塘爲犒軍之所按舊志未有寨名而此

云洗馬潭寨者未知果在何時

柳刺史泌宅 在天台縣西北二十五里十二

都元和十二年泌於此修築築室號紫霄仙居

其中多植靈芝翠莖修竹奇葩又有曲池環沼

藥院丹爐

太白讀書堂 在天台縣華頂峯方外志曰李

白嘗登華頂後人因爲建堂題詩云太白千載

豪神遊渺湖海漠漠此山中而有書堂在巖斷

綠蘿深澗寂寒泉灑撫景一悲傷彷彿瞻雲采

夷齊石像 在天台縣桐柏山觀內空外潤叩

之聲然有聲或傳王靈寶請之微宗宮中

仙居縣

桐江 在仙居縣唐方干寓桐廬後人遷至仙

居之板橋宋時其裔孫斯構書院以延學者遂

以桐江名朱文公嘉過之爲書鼎山堂王十朋

爲書東南道學世家

鑑玉堂 在仙居縣南峰山宋蔣應雷構先是

雷祖號覺軒者與朱晦翁遊鑿山南桃花洞及

公登進士解組歸隱築書院於其上教授門徒

遍兩浙振飭士風屢徵不起時理宗高之勅其

堂曰鑑玉堂

寧海縣

丹丘 在寧海縣南九十里或傳葛元煉丹處

晉孫綽天台賦仍羽人於丹丘

洪忠宣三瑞堂 在寧海縣治廳西政和四年

主簿洪皓建時有荷花桃實竹幹連理之瑞遂

生子适適俱爲相

尾閭 在寧海縣東海中其水湍急陷爲大渦

者十餘舟楫不敢近世傳東海洩水處宋洪忠

宣皓爲主簿常以公事至海門登山縱觀大海

親見其勢

閩風臺 在寧海縣北五十里天門山西麓高

數仞旁有香巖石井釣臺宋劉大阜有閩風庵

卽舒舜侯所隱處亦名主簿園

響石 在寧海縣朱魯五里許往來行者以石

叩之清亮作磬聲相傳自唐宋以來有此移之

他處無聲仍還故地卽響

空山屋樓 在寧海縣東南海中孤山特立往

往海氣結爲樓臺亭塔之狀或長如城或小如

橋五綵相宣極爲奇怪舟人望之心駭目眩又

有龍湫在山麓潮水中兩岸如劈崖間涎沫流

動蠅蠅蹙然蓋出入所經之處云

石鏡 在寧海縣北八十里西張山一名桐樹

鏡闊一尺長如之其形四方明徹物莫能遁形

焉

方氏義井 在寧海縣方正學故居正學羅禍

舉九族死者及墓中骨悉投之井後百年其水

嘗赤天啓中縣令曹學程吳萊贖之民間建亭

立碑

太平縣

徐偃王古城 在縣西北三十五里大唐嶺東

外城週十里高僅存一尺厚四尺遺墜斷壁隱

約可稽內城週五里有洗馬池九曲池故宮基

址崇一十四級城上有高木可數十圍故老云

卽徐偃王城也城東偏有偃王廟又南五里有

葉鮑二將軍廟或謂卽偃王將也

孫恩城 在溫嶺高四丈許週迴六百步永嘉

記云妖賊孫恩所築黃巖靈石寺亦稱孫恩伐

木造船於此有飛石下墜因而驚走蓋未爲辛

景擊殺之先駐兵於此亦未可知也

葛洪丹井 在丹巖巖俱赤有池深尺餘羣鳥浴其上

茶寮天塚石 在茶寮山世傳有人鋤山得物狀如鐵隱呼其黨劇之見金棺有光忽雷雨暴至勢若摧山裂石衆驚走及再往有道士峩冠立於雲表明日詣之岌然石也於是相與封植號天塚云

朱文公六開 宋淳熙九年朱子爲浙東提舉行部至台奏請支錢二萬貫付土居宣敦郎林彌承節郎蔡鎬公同措置後勾龍泰踵成之明時太守周志偉請奏重修

墳墓附

本府 臨海縣附郭

三國吳尚書陳化墓 在府東一百三十里舊有碑隋末海寇仆

晉史君李成墓 在府東一百二十五里白楓山南

隱君任旭墓 在府東七十里東刊山前南有石麟又有九女塚乃其女弟之墓

樊府君墓 在府東南七里樊績續嶼按太平御覽云舊有空塚猶餘敗鼓角焉

梁大司農時習墓 在府西北三十里鯉魚山陳史君熙墓 在府西北三十里白楓山

唐廣文鄭虔墓 在府東三十里白石畧朱丞相呂頤浩墓 在府西北三十里褒忠顯

績院左

丞相范宗尹墓 在府東四十五里報恩衍慶寺側

侍郎陳公輔墓 在府南三十里拗嶺

太師曹勛墓 在府西四十里顯恩寺側

詹事陳良翰墓 在府南五里眞空寺右

參政謝廓然墓 在府南二十里楊梅山

丞相謝深甫墓 在府西北六十里保寧寺

殿撰王裴墓 在府東千公茶園

明尙書何寬墓 在府南釣魚嶺

總戎楊文墓 在府西二十五里小海門

襄裕公王宗沐墓 在府南二十五里延豐陽

葬

尙書秦鳴雷墓 在府西四十里雙門

巡撫王士性墓 在府北五十里黃沙

陳函輝墓 在府南十里雲峯

黃巖縣

唐司直李公亮墓 在縣南一十五里

參政謝克家墓 在縣西五十里教忠崇報寺

北

清獻公杜範墓 在縣西靖化鄉

彭椿年龜年墓 在永寧鄉

蔡夢說墓 在縣十二都徐庫陽山

祕閣章敦禮墓 在黃畧其裔孫主事陳墓在

其南

車若水墓 在縣西儒地

元黃超然墓 在柔川

明侍郎徐宗實墓

經筵徐宗茂墓 俱在縣西

主事徐宗顯墓 在縣北

都御史李匡墓 在委羽山西

布政童謨墓 在上畧

文毅黃孔昭墓 在委羽山

給事徐簡墓 在大澧

侍郎王啓墓 在柏畧

進士徐鶚墓 在大澧

尙書黃綰墓 在委羽山

尙書王燦墓 在冠莊山

天台縣

隋金吾將軍宋得遇墓 在五都倉山前

宋賢穆大長公主墓 在護國寺側

賈涉墓 在縣南二十二都磨刀坑

少師黃宜墓 在縣北

祕書楊幼度墓 在縣客頭廟後

探花裴淳墓 在縣境

賀允中墓 在縣東資福寺東側

太傅張世傑夫人葉氏墓 在縣東後洋百花園

明少保徐善述墓 在縣東八都

御史楊直墓 在縣西南兩頭塘大路北

都御史夏迪墓 在縣南七里龍迴山側

都御史魯穆墓 在縣西北十里百步洋

榜眼杜章墓 在縣北二里

仙居縣

唐蔣琰墓 在金象寺前

五代吳金智墓 在縣東山

安撫張文伏墓 在縣南北畧

宋韓昭墓 在縣南五里桃花洞

康肅吳芾墓 在縣西十里申塢

安撫郭晞宗墓 在縣西南十五里蓮塘

待制郭磊卿墓 在縣南河埠

縣尉吳諒墓 在縣西五里馬蹄山上

司諫張次賢墓 在縣北後嶺

忠烈張華宗墓 在縣東北塔山灣

隱士林訪墓 在縣東嶺路北

處士呂微之墓 在縣南朱溪銀杏樹

翁森墓 在縣南下枝

義士吳福墓 在縣西顏婆畧

元博士柯九思墓 在縣境

明知府朱季用墓 在縣東嶺下

少卿張答墓 在縣西田市西

御史顧大奇墓 在縣東下山頭

徵士張宗弘墓 在縣南二十八都小夾嶺龜

山

少師王寧一墓 在縣東笏箕山景泰中遣官

營造

孝子應昌墓 在縣西南

尚書應大猷墓 在縣南二十五里夾山

總憲吳時來墓 在縣西南七十里大林

中丞李一瀚墓 在縣西南東村

廉使應朝卿墓 在縣南多福寺

烈女顧惜寶墓 在縣東南懷仁鄉

寧海縣

三國吳尚書屈晃妻墓 在縣南一百里屈母

山一名龍母山

將軍田什墓 在縣西百步

長者梅盛墓 在縣南七十里靈鳳山

五代太傅葉景春墓 在縣東三十里

都官鄭睿墓 在縣南五里大坑

宋少師周祖墓 在縣南五十里

蔡貴妃祖墓 在縣北二十里蔡家園

太師王齊輿墓 在縣東十里

舒岳祥墓 在縣北五十里

丞相葉夢鼎墓 在縣東倉

明都御史石簡墓 在亭頭渡

孝子王煥墓 在大畧

石烈女三妹墓 在崇教寺右

太平縣

宋安禧王陵 在十八都新山

孝子謝伯遇墓 在十六都桃溪山

尚書林鶚墓 在縣北阡芝畧山

祕書徐困墓 在湖霧牛嶺山

忠簡陳良弼墓 在慶恩寺東

孝子戴守溫墓 在十四都唐嶺南

尚書趙大佑墓 在十三都馬嘴山

欽定古今圖書集成方輿彙編職方典

第一千二百卷目錄

台州府部藝文一

遊天台賦有序

白郎巖記

劉阮洞記

佇真亭記

石臺紀遊詩序

廣濟橋記

觀海樓記

巾山草堂記

清泉山記

台州府部藝文二詩

舟中曉望天台

尋天台山

宿桐柏觀

天台曉望

過桐柏山

桃源洞二首

華頂

遊天台

早發天台

題赤城中巖寺

華頂

遊天台

國清寺

桐柏觀

晉孫綽

唐王展

朱鄭志道

宋之瑞

元黃潛

明宋濂

方孝孺

前人

前人

唐孟浩然

前人

前人

李白

錢起

元稹

李紳

張祐

許渾

前人

前人

李郢

皮日休

前人

寄玉霄峯道士

題國清寺

瓊臺

春日行天台

題妙樂觀

寒巖二首

華頂

贈杜介并序

石橋

桃源

玉京洞

夜對巾山題客樓

桃源洞

初至寧海二首

水簾

遊麻姑山

夜登鷄鳴山憑空閣

台州府部紀事

台州府部雜錄

台州府部外編

陸龜蒙

杜荀鶴

方干

釋貫休

靈一

寒山子

靈徹

宋蘇軾

王十朋

前人

余爽

前人

前人

元黃潛

明楊文中

應大猷

前人

職方典第一千二百卷

台州府部藝文一

遊天台賦有序

晉孫綽

天台山者蓋山嶽之神秀也涉海則有方丈蓬萊登陸則有四明天台皆元聖之所遊化靈仙之所窟宅也夫其峻極之狀嘉祥之美窮山海之瑰富盡人神之壯麗矣所以不列於五嶽闕載於常典者豈不以所立冥奧其路幽迴或倒景於重溟或匿峰於千嶺始經魑魅之塗卒踐無人之境舉世罕能登陟王者莫由禋祀故事絕於常編名標於奇紀然圖像之典豈虛也哉非夫遺世翫道絕粒茹芝者烏能輕舉而宅之非夫遠寄冥搜篤信通神者何肯遙想而存之余所以馳神運思畫詠宵興俯仰之間若已再升者也方解纒絡永託茲嶺不任吟想之至聊奮藻以散懷

太虛遼廓而無閼運自然之妙有融而爲川瀆結而爲山阜嗟台嶽之所奇挺實神明之所扶持蔭牛宿以曜峰託靈越以正基結根彌於華岱直指高於九嶷應配天於唐典齊峻極於周詩邈彼絕域幽邃窮窅近智者以守見而不之之者以路絕而莫曉嗟夏蟲之疑冰整輕翻而思矯理無隱而不彰啓二竒以示兆赤城霞起以建標瀑布飛流以界道賾靈驗而遂徂忽乎吾之將行仍羽人於丹丘尋不死之福庭苟台嶺之可攀亦何羨於層城釋域中之常戀暢超然之高情被毛褐之森森振金策之鈴鈴披荒榛之蒙龍涉峭岑之崢嶸濟檜溪而直進落五界而迅征跨穹窿之懸磴臨萬丈之絕冥踐莓苔之滑石搏壁

立之翠屏攬樛木之長蘿援葛藟之飛壘雖一冒於垂堂迺永存乎長生必契誠於幽昧履重險而逾平既克濟於九折路威夷而修通恣心目之寥朗任緩步之從容藉萋萋之纖草蔭落落之長松觀翔鸞之裔裔聽鳴鳳之嚶嚶過靈溪而一濯疏煩想於心霄蕩遺塵於旋流發五蓋之遊蒙追羲農之絕軌躡二老之元蹤陟降信宿迄於仙都雙闕雲竦以夾路瓊臺中天而懸居朱閣玲瓏於林間玉堂陰映於高隅彤雲斐亶以翼矯燁日爛晃於綺疏八桂森挺以凌霜五芝含秀而晨敷惠風佇芳於陽林醴泉涌溜於陰渠建木滅景於千尋琪樹璀璨而垂珠玉喬松鶴以冲天應真飛錫以躡虛騁神變之揮霍忽出有而入無於是遊覽既周體靜心閒豁焉以去世事都捐投刃皆虛目牛無全疑思幽巖朗詠長川爾乃羲和亭午遊氣高褰法鼓琅以振響衆香馥以揚煙肆觀天宗爰策通仙挹以元玉之膏漱以華池之泉散以象外之說暢以無生之篇悟道有之不盡覺涉無之有閒泯色空以合跡忽即有而得元釋二名之同出消一無於三幡恣語樂以終日等寂默於不言渾萬象以冥觀兀同體於自然

白郎巖記

唐王展

白郎巖因神姓名也在天台山西東抵唐興縣三十里長慶四年秋風雨不應候土產之物焦乾幾七八農人愁毒相視不聊生自浙東數郡咸然縣令白餘豐曰某竊長斯邑邑人愁毒猶吾愁毒也將禱於名山顧其遼遠某始至時經於白郎巖巖狀深黑鬼峭疑有神宅焉因探其端得寺記知白郎神事因詰法

師普耀所懇巖側虔祝禮請未及竟有異物自穴出黑首高眶素臙錦脊其顧視昂昂之勢若龍若蛇不驚不搖受祀而退其夕降甘雨居數日物反秀綠自寶曆元年更復早縣令求去年之祥名邑居客與同往祝請其年六月十八日是物復自穴出一如去年狀加四足焉足呈掌爪若欲擎矯是夕復降甘雨異哉其神歟神必依山山川山川不嘯神不依焉受祝惟神禱不精誠神不歆焉天與神通神非真正天不應焉縣令與丞非尊官也能一精專於下而通天降神其應如射豈細事耶足以誨天下之慢易者展適在山野獲同觀焉因記其年月於巖之側寶曆元年八月記

劉阮洞記

宋鄭志道

劉阮洞其傳久矣余竊邑於此訪於故老往往不知其所在比按圖得之以詢護國寺僧僧曰洞居寺之東北二里斜行出谷隱於榛莽間人跡罕及景祐中明照大師嘗採藥見金橋跨水光彩眩目有未及笄二女戲於水上如劉阮所見此水仙之洞府也元祐二年春過鑿山開道立亭於其上環亭夾道植桃數百本所以追遺跡續故事也越明年三月寺僧報桃盛開并以其景物求名焉余率縣尉郭君彥文輩幅巾杖藜徜徉行歌沿澗而上觀綠波之漣漪聽寒音之潺湲微風過之餘韻清遠飄飄然猶鏘環珮而朝玉闕也名之曰鳴玉澗澗之東有塢植桃數畦落英繽紛點綴芳草流紅縹緲隨水而下此昔人食桃輕舉之地也名之曰桃花塢塢自塢以北行數百步攢峰疊翠左右廻擁中有澗流隨山曲折而遊人之道從

之水窮道盡則有潭淵澄可鑒羣山倒影浮碧搖蕩中有洞門潛通山底其深不測此寺僧見金橋之地也名之曰金橋潭潭之南澗水淺見沙中有盤石三不沒水者數寸可坐以飲自上流益必經三石之間俯而掇之如在几案此舉僊會飲之地也名之曰會仙石據石之端仰而視之三峰鼎峙峻極雲漢寒光襲人虛碧相映危崖蕩花紅雨散亂其東峯則孤聲峭拔上有雙石如綰髻髻名之曰雙女峰其兩峯則壁立千尋上連巨嶽朝陽方升先得清照遂名之曰迎陽峯其中峯以雙女迎陽為之輔翼羣山之翠合而有之名之曰合翠峯三峯之間林麓疎廣草石瑰異左連瓊臺雙闕之山右接石橋合澗之水採芝茹木擷翠佩芳杖履輕而白雲隨笑語高而山谷應條然而往直欲跨雙鳧御清風而不知塵蹊之卑蹙也名之曰迷仙塢自塢以出至於迎陽峰下有石偃於山腹廣袤數丈因結亭於其上前臨清流瓦影浮動魚跳圓波光弄棹浮盃之迹顧指在目遂名之曰浮盃亭是日也天氣清明東風和暢巖巖過雨疎雲留日余與諸君攜茵席帶壺觴上登崔嵬下弄清淺流觴藉草惟與所適山散野藪具於臨時賸靈溪之鮮茹金庭之蕨無備具之勞也掛衣長松落帽幽石帶帽則披衣履倦則洗足解襟漉酒玉山自頽無衣冠之束也意所欲飲命樽注之一引而盡量窮則止無鐘鼓之節也酒酣浩歌聲振林木音無宮商惟意所適樵夫牧豎為之捫高崖履危石荷柯依策而視之彼烏知其非劉氏之子阮氏之孫厭洞府之未廣而復為山間之遊乎既而夕陽西傾暮煙四塞洞天

之景恍若失之于是尋雲路聘歸松月照人金影破碎遙聞鷄犬乃悟人間諸君皆遽然而驚相顧而語疑夫陵谷之更變而時代之遷易也時郭彥文立馬謂余曰數千百年湮沒之迹自公發之可無文以紀之乎余病夫山水清而文辭俗景物富而才思窮不能盡洞中之幽趣固辭不獲免乃書其所見以塞來命若夫寫難名之景發不盡之意則諸君之雅誅在焉非余之所能道也

行真亭記

宋之瑞

石梁勝冠台壘實五百應真示現之地故其下龍湫特靈遇禱輒響客第山徑境垧拔榛取道往往就臺華亭望拜從高瞰下於禮弗虔去歲冬十一月縣令丁大榮始至展謁顧瞻惕然乃捐縣帑百千委住持萬年寺僧智海即潭之隙度地建亭榜曰行真於是夷險鋤荒護以欄楯今年夏五月不雨種猶未入土令集緇黃躬詣新亭伏謁致拜告起未竟忽有龍大如覆孟出沒波面已而投刺下墜若有物掣而取之觀者駭異須臾龍復出遊遂迎以歸越二日雨大霽需四郊霑足稚耄歡喜莫不感神之休頌令之德願刻山石以彰永久之瑞竊謂山水佳處居官類多築臺抗樹務為遊觀斯亭之建意獨不爾矧中孚之信尚及豚魚宜乎淵潛効靈厥應昭焯是可書矣舊傳石梁側有蓋竹洞天湮沒踰二百年往歲何公偕持節按澄嘗夢遊其地訪求不獲是行也尹窮探偶得之洞深可二丈餘中有二硤穹窿幽邃下視攢峯疊嶂如列畫屏又得曇猷厥初修道遺址于蕪穢蒼莽中見謀創亭以嚴奉事而易置今庵為龍君祠一旦

天地祕藏軒輅呈露以是知境不終晦待人而顯故并書之嘉泰元年六月望日記

石臺紀遊詩序

元黃潛

寧海多大山其高或俯視雲雨名於僊經地志者天門閭風桐柏而南田號為福地好事者率病其幽遠險絕莫適至願獨喜遊石臺石臺距縣治僅五里所山皆土阜非有奇巖峭峰水泉花葉竹箭之美由山足緣坡蛇行穿灌莽而上至其脊乃得巨石五六相積如疊器物其頂上窿然方正而平廣可坐十人旁睨四山障屏雜列東北山缺處海霞島雲縹緲可觀也臺之勝止是特以卑近而易即凡遊觀者恆用為稱首予佐縣之又明年始合耆俊之士登斯臺挾別蔽翳求昔人之遺刻既漫滅不可識唯慶元諸老題咏故在徘徊久之望東麓杉松蒼翠間薈桐隱隱或曰是謂南園道院乃款而休焉因與飲酒賦詩抵暮而去蓋忘其為山之卑地之近也孰使為樂焉而無忘乎其高且遠者非茲臺也耶予聞古君子雖甚陋必有遊息之物以養其觀聽而發其意慮高卑遠近物之不齊者也夫苟無累乎物斯異方而同得也詩所以紀茲遊之得序而歸之南園以為石臺故事

廣濟橋記

明朱源

天台縣西二十里有山曰鶴鵠二水發源其間合流至長洋復折而西與大溪會然後滔滔東下嘗夏潦秋霖水驟進氣勢奔突咫尺如隔萬越里人疊石為小橋不能殺水怒竟蝕而去邑大姓洪某等憂之乃集子姪與謀累址於淵鑿石於山犬牙相函魚鱗密比架以高梁崇以計者二十有五修倍之翼以石欄

與橋相齊覽東西兩堤各二百尺有奇旁築庵廬三楹招浮屠惠澄者守之始事於至正己亥之三月訖工於庚子之十一月費錢一萬緡夫工一萬一百橋成隱然如虹蛻跨空而收載險利涉之效下視飛濤如履絳席遂名之曰廣濟云予聞橋之名始乎殷至秦漢多異稱雖有大小之殊而濟人之功則一也世道陵異使拔一毛以利物則艱然怒其視某一門見人病猶己病者幾何人哉嗚呼若某者亦可謂惠人也已昔蔡襄記萬安橋不過一百二十字葉正則利涉橋記乃六倍之予斟酌其繁簡而為之記某字傳可其先有諱漢者唐末還自浦江世多儒至某益尚義其子姪來請者國子生也洪武年月日撰記督府錄事金陵杜環書

觀海樓記

方孝孺

中國之地南至吳越而盡吳越之東南際海而窮寧海陳君與文所居直海濱因作樓以據高爽臨溟渤暇日登覽以舒憂娛情甚自適也已而坐徵法謫蜀江上思其故鄉不置蜀人與之遊者多為賦觀海之詩與文間持以歸屬其所親善者語余曰子居亦並大海知海者宜莫如子請為記之嗟乎人之與人同也余與與文皆越人又同也然與文之所存吾不能知况無涯之海余何自而知之何從而言之乎雖然由其異者而觀之則萬物可視為一身苟欲觀海之形其茫洋瀰漫浮天地浴日月抗陰陽以伴大化婉古今以為壽者章亥不能測其數海若不能述其槩莊周不能盡其辭苟識其理則浮漚流沫舉足為學者師吾試與與文觀海於形質之表可乎彼其倏焉

而盈忽焉而涸進退消長與時升降者能知其故以處貴賤富貧榮辱禍福之際則可以忘得喪捐憂喜浩然而無疑夫彼之無所不下以成其深者能以之爲法則可以自卑而下人以成其德彼之兼容汎受不擇細大暴以久旱而不減灌以洪流而不加者能因之以廓吾之量則可以容衆養人臨大事遇大變而不惑於其摩盪涵浸之勢可以作吾氣於其恬波怒濤開闢變化之態可以發吾文於其生育濡載之利可以推吾仁是則得於觀海者亦多矣與文之居斯樓也其亦有同焉否乎吾聞蜀人稱與文處憂如平時無幾微見於顏色此其於海也殆有得夫斯可記也若曰燕安之餘爲一室以自快於山陬海濱飲食游觀而恣其般樂嘯傲以逸其身此直庸衆人之事余焉敢爲與文顧哉

中山草堂記

前人

踰浙江以東多大山東南極海上尤秀絕其最著者天台四明焉蕩天姥皆穹窿嵒峻爲天下奇觀跡擬乎蓬閭名播乎區極土之選幽探勝者宜其樂趨之然而居其旁者往往終身未嘗一至豈以其崇高不易援企而遺之歟台城中有小山特立圓秀蒼潤遠望之如人之弁冠人因語之曰中山其上有樓閣室廬之美凡人至郡者無不往遊凡宅於左右者必構危架迴以挹取朝風夕霏之異態蓋其勢適且卑其所蘊易見而窮之不難也是以衆樂觀焉處處士定谷家正與山相面因名其堂曰中山草堂定谷知讀書識義理其才智可用而恬靜不競非安於卑近者豈其心有所得鉅小崇卑固不足較乎夫天下之至

崇大者莫過於道而卑且近者道亦未嘗不在也憚其難而安於淺陋固不可忽細微而慕夫高且大者亦烏可哉故願親弟長事非遠也而性與天道不外焉堯舜之道與天準而謹言慎行可以馴致焉中山巖壑之盛視天台四明固有間焉其有會於人心而人樂之不服者果有異乎否耶定谷必有以識此矣往者王戎七月之望予偕葉君夷仲張君廷璧林君公輔陳君元采夜登絕頂飲酒望月縱談千古竟夕不眠予謂葉君曰昔蘇子瞻夜登黃樓觀王定國諸公登桓山吹笛飲酒乘月而歸以爲太白死三百年無此樂矣斯樂也又予瞻死三百年後所無也諸君皆大笑追計其時忽十五年今存者獨予與張陳耳二君亦將老矣予繫職數千里未得歸然則於記定谷之草堂能無慨然乎定谷有子曰信慎敏而好文其尚語山靈待我東歸尚當約同志重遊因歷覽海上諸山以盡宇宙之大觀其樂蓋未艾也

清泉山記

前人

環寧海之山多可遊惟清泉山去邑爲最近壬戌秋九月九日余抵邑中與予友善者欲偕予遊求其近而易至者莫宜於清泉於是攜琴命觴而往登焉出西郭百餘步折而北山阜隆起無崇林巨壑峭異之觀彌望皆白茅叢生作花紛若鸞羽躡而升潤滑不可停足羣奮相先至其脊有怪石二半陷於土蘇深碧色鱗生其上斑斑可玩遂列坐石旁道古今事以爲樂久之復循脊西行冷風自西山來夾袂寒然飄舉不可進就其窪止而琴琴音與風聲相和抑揚徐疾琤琮澎湃心融融如有得起而四顧落日與山當

東北雲氣中海濤際天日光倒射海上灩澦難正視乃之山北草舍飲飲已罕重作日暮始歸莫不動容愜意以爲茲遊信樂也而予獨有感焉邑之名山十百於清泉者衆矣然遊者之跡罕至縱偶登之手疲於攀援而趾病於踐履荷未窺其奧美之所徒厭其勞而不知其爲可樂也是山較崇卑於彼固有所不敵而遊者必至至必樂之而歸豈非高遠者難悅於時俗而卑近易至者乃爲常情所喜乎然人於高遠誠得其奧美而樂之則其樂有不可既者世顧莫肯自至而每用心於卑且近者何也以易至者爲足樂夫豈天下之眞樂也哉而予於此遊也豈不足爲學道之戒哉同予遊者凡八人楊汝器王修德盧希魯楊文遇童彥璞龔彥佐林嘉猷及修德之甥應賢文遇善琴云

台州府部藝文二

舟中曉望天台

唐孟浩然

掛席東南望青山水國遙艫艫爭利涉來往往任風潮問我今何適天台訪石橋坐看霞色曉疑是赤城標

尋天台山

前人

吾愛太乙子餐霞臥赤城欲尋華頂去不憚惡溪名歇馬憑雲宿揚帆截海行高高翠微裏遙見石梁橫宿桐柏觀

前人

海泛信風帆夕宿逗雲島緬尋滄海趣近愛赤城好

捫蘿亦踐苔輟棹念窮討息陰憇桐柏採秀尋芝草
鶴唳清露垂鷄鳴信潮早願言解纜從此去煩惱
高步凌四壁元踪得三老紛吾遠遊意學彼長生道
日夕望三山雲濤空浩浩

天台曉望

李白

天台鄰四明華頂高百越門標赤城霞樓樓蒼島月
凭危一登覽直下見溟渤雲垂大鵬翻波動巨鰲沒
風濤常洶湧神怪何喻忽怡情觀斯境好道心不歇
攀條摘珠實服藥鍊真骨安得生羽毛千秋臥蓬閣

過桐柏山

錢起

秋風過楚山山靜秋聲晚賞心無定極仙步亦情遠
返照雲寶空寒流石苔淺羽人昔已生靈跡忻方踐
投宿謝歸途世緣從此遣

桃源洞二首

元稹

芙蓉脂肉綠雲鬢畫樓臺青黛山千樹桃花萬年
藥不知何事憶人間

仙洞千年一度開等閒偷入又偷回桃花飛盡秋風
起何處消沉去不來

華頂

李紳

欲向僊峯鍊九丹獨瞻華頂禮僊壇石標琪樹凌空
碧水掛銀河映日寒天外鷄聲隨絳節洞中雲氣隱
瓊珩浮生未有從師地空誦元經想羽翰

遊天台

張祐

崔嵬海西鎮靈跡傳萬古羣峯日來朝纍纍孫侍祖
三茅即拳石二室猶塊土旁洞窟神仙中巖最龍虎
各從乾取象位與坤作輔鸞鶴自相羣前人空若瞽
曉巖到秋碧女媧徒巧補視聽出塵埃處高心漸苦

纒登招手石肘底笑天姥仰看華蓋尖赤石雲上午
奔雷撼深谷下見山脚雨回首望四明轟轟若城堵
昏晨逸千態惡動非自主控鶴大夢中坐覺身羽翮
東溟子時月却孕元化母彭蠡不盈杯浙江微辨縷
石梁屹橫架萬仞青壁豎却瞰赤城巔勢來如刀弩
盤松國清道九里天莫覩穹崇上噴三突兀傍聳五
空崖絕凡路癡立屢與塵邈峻極極天門觀海窮地戶
金庭路非遠徒步欲將舉身樂道家流敦儒若一矩
行尋白雲雙履盡登峻宇佛窟綺杉栢仙壇半榛楛
懸崖與飛瀑險噴難足俯海眼三井遍羽門雙闕柱
瓊臺下昏側手足前探乳但造不死節前勞何足數

早發天台

許渾

來往天台天姥間欲求真訣駐衰顏星河半落巖前
寺雲霧初開嶺上關丹壑樹多風浩浩溪台淺水
潺湲可知剡阮逢人處行盡深山又是山

題赤城中巖寺

前人

蒼蒼松檜陰曉日露西岑素壁秋燈暗紅爐夜火深
廚開山風散鐘靜離猿吟行役方如此逢師懶話心

華頂

前人

遠夢歸華頂扁舟背岳陽寒蔬淨食夜浪動禪牀
鴈過孤峯晚猿啼一樹霜此身無別念餘習在文章

遊天台

李郢

南國天台山水奇石橋危險古來知龍潭直下一百
丈誰見生公獨坐時

國清寺

皮日休

十里松門國清路飯猿臺上菩提樹怪來煙雨落晴
天元是海風吹瀑布

桐柏觀

前人

青冥向上紫霄元始崔巍聳玉容曉案瑞文光絕
壁夜壇香氣襲靈松雲根怪石儀青鳳潭底舉臥
黑龍步入瓊臺忘世路分明半席許相從

寄玉霄峯道士

陸龜蒙

天台四萬八千丈師在雲間啓竹扉末夜祇知星斗
近深秋猶見海山微玉壇曾降青旄節雪整長披白
羽衣聞說靈壇富芝草何須重問首陽薇

題國清寺

杜荀鶴

一到天台寺高低景旋生共僧巖上坐見客海邊行
野色人耕破山根浪打鳴忙時向閑處不覺有閒情

瓊臺

方干

積翠千層一徑開遙盤山腹到瓊臺藕花飄落巖前
去桂子流從別洞來石上僊壇礙星斗聰邊瀑布走
風雷縱雲歸鶴無留滯定恐煙霞不放回

春日行天台

釋貫休

重重太古色濛濛花雨時好峯行不盡流水語相隨
黑壤生紅木黃猿引白兒因思石橋路曾與道人期

題妙樂觀

靈一

王喬所居空山觀白雲至今疑不散壇場月路幾千
年往往吹笙下天半瀑布西行過石橋黃精採根還
採苗忽見一人擎茶碗翠花昨夜風吹滿自言家處
在東坡白犬相隨邀我過松關石上有蒼局能使樵
人矚斧柯

寒巖二首

寒山子

重巖我卜居鳥道絕人跡庭除何所有白雲抱幽石
住茲凡幾年屢見春冬易寄語鐘鼎家虛名定何益

二

登陟寒山道寒山路不窮溪長石磊磊澗闊草濛濛
苔滑非關雨松鳴不假風誰能超世慮共坐白雲中

華頂

靈徹

天台衆峯外華頂當其空有時半不見崔嵬在雲中

贈杜介

并序

宋蘇軾

元豐八年七月二十五日杜幾先自浙東還與余
相遇於金山話天台之異以詩贈之

我夢遊天台橫空石橋小松風吹茵露翠濕香嫋嫋
應眞飛錫過絕澗度雲鳥舉意欲從之翛然已杳杳
微言燦珠玉未說意先了覺來如墮空耿耿意戶曉
羣生陷迷網獨達從古少杜叟于何人長嘯萬物表
妻孥空四壁振策念輕矯遂爲赤城遊飛步凌縹緲
問禪不歸舍屢爲瓠壺繞何人識此志佛眼自照瞭
我夢君見之卓爾非魔嬈僊葩發茗碗煎刻分葵蓼
從今更不出閉戶閒驂裏時從佛頂巖馳下雙蓮沼

石橋

王十朋

石橋未到已先知入眼端如入夢時僧喚我爲巖首
座前身曾寫石橋碑

桃源

前人

澗水桃花路易迷不同人世不同蹊自從重入山中
去煙雨深鎖舊溪

玉京洞

余爽

牛山松柏散天聲芝蓋當年憩赤城我是上皇靈閣
吏玉京應有舊題名

夜對巾山題客樓

前人

兩峯高並玉瓏鬆絕頂浮圖插暮空飛雨入簾烟樹

暝半天燈火幻流虹

桃源洞

前人

採藥歸來世代賒洞門方此掃塵霞碧潭清淺弄明
月翠巖高低飄落花芳草已迷當日路白雲空想舊
人家自慚不是浮觴侶謾向山前醉帽斜

初至寧海

元黃潛

地至東南盡城孤邑屢遷行山雲作路累石海爲田
振炭村村白櫻林樹樹圓桃源名更美何處有神僊

二

縹緲蛟龍宅風雷隔杳冥人家多面水島嶼若浮萍
養海鹽烟黑洶沙鐵氣腥停驂方問俗漁唱起前汀

水簾

明楊文中

龍娥卷下水晶宮垂向秋崖紫翠中宇宙懸光珠錯
落山河倒影玉玲瓏寒勾夜浸瓊臺月涼雨暗飛石
磴風應掛九重閭闔上恩波沾灑萬方同

遊麻姑山

應大猷

麻姑風景尚依然僊子何歸不計年雲護石龍時滴
水苔封丹竈久無煙懸崖斷處疑將墮遠障飛來勢
欲連日暮徘徊倚絕壁依稀絳節下諸天

夜登鷄鳴山憑空閣

前人

百丈憑虛天半開六年羈客夜深來依稀北斗黃姑
近燦爛南山白石迴望裏六朝空草樹月中雙闕靜
蓮葉秋風不盡登臨意城上驚傳畫角哀

台州府部紀事

臨海縣志憲宗元和中方士劉泌言天台多靈草誠
得爲彼長吏庶幾可求乃以泌爲台州刺史諫官爭
之上曰煩一州之力爲人主致長生臣子亦何愛焉
泌到台驅吏民採藥歲餘無所得懼逃入山中浙東
觀察使捕送京師皇甫湜保護之復使待詔翰林服
其藥日加燥渴帝崩伏誅

宋史元絳傳絳知台州州大水冒城民慮蕩析絳出
庫錢卽其處作室數千區命人自占與期三歲償費
流者皆復業又甃其城因門爲牖以禦濫漲後人守
其法

彭思永傳思永字季長廬陵人第進士知南海分寧
縣通判睦州台州大水敗城人多溺往攝治焉盡葬
死者作文祭之民貧不能葺居爲伐木以助之數月
公私之舍皆具築城高於前而堅亦如之

九表傳表遷著作郎兼太子侍讀梁克家罷相表與
祕書少監陳騭各與郡表得台州州五縣有丁無產
者輸二年丁稅凡萬有三千家前守趙汝愚修郡城
工纔什三屬表成之表按行前築殊園莽亟命更築
加高厚數月而畢明年大水更築之壩正值水衝城
賴以不沒會有毀表者上疑之使人密察民誦其善
政不絕口乃錄其東湖四詩歸奏上讀而嘆賞遂以
文字受知

錢惟演傳惟演子暄字載陽以父蔭累官駕部郎中
知撫州移台州台城惡地下秋潦瀑集輒圯溺人多
卽山爲居暄爲增治城堞壘石爲臺作大隄扞之
揮塵前錄吳越國忠獻王錢佐薨其弟侖襲位未幾

爲其大將胡進思所廢時忠懿王椒爲台州刺史進思迎立之元豐中王之孫暉知台州其子景臻自都入都選尙仁宗女是爲秦魯長主靖康末北騎犯關主避兵南來因遂卜居後數年詔郡州賜第主享之二十年壽八十六薨于天台其子伯誠居之又二十年官至少師年亦八十餘少師子卽處和也處和之女又自台州被選爲王妃去歲處和既爲執政別營甲第南北相望甚夥一家盛事常占此境

寧海縣志宋紹興十五年浮門漁人于海上獲一槩視其腹題云臣雷某造縣令張公秀市以獻於思陵思陵見之淚下乃建炎時渡海所失物也

磐石在朱魯五里許往來行者以石扣之清亮作磨聲相傳自唐宋以來有此移之他處無聲仍還故地復響殊爲怪異

大溪之南昔有樸木林一夕大風雨林中作數百人聲詰旦視之枝幹皆成連理今其鄉名緣此

成弘間一條鞭之法未行一應公燕俱係坊里長備辦有司止圖繁華一有不週則扑責隨之鄉飲酒排列數十席海陸珍羞全具猪裝象羊裝多獨裝鳳一舉輒廢中人數家之產

嘉靖三十九年七月大雷風台州東門外湖邊有大木已倒朽六年一夕忽復植立重生有司親往視之後刻其木爲神像立廟祀之或云卽關聖廟神像也嘉靖四十三年甲子四月中有抄化頭陀名蔣計寓西門石佛寺自稱彌勒再世凡募緣所得錢物悉以予人鄉城信之莫不受持至六月中侶徒數百人潛住寺左右約夜半赴軍器局取兵仗劫府縣庫藏寺

僧告變兵巡道命中軍帶兵圍寺賊衆悉就擒所獲行李內所藏皆主者服仗事未申報杖斃十餘人而寢

萬曆三十年壬寅六月亢陽不雨邑令熊秉衡取水白龍潭縉紳士民俱赴郊外迎接過中津浮橋斷淹死青衿三人百姓四人

城北後嶺爲郡城來龍過峽小跌斷處萬曆中司理劉起元貴州舉人識堪輿術因不得于邑之名紳顯官詐稱修培後嶺風水當有大拜者陰將過峽來龍鑿斷相傳開鑿時血自土出從此邑人文漸衰後起元罷官歸里兩目皆瞽

明萬曆三十五年秋芝生於儒學東齋之冬青樹三本大者五層玉色而紫紋時或變而微紅

巾子山二峰一云文筆郡中科名父子聯登兄弟同榜皆賴之一云火星故往往有回祿之災昔人鑿黃泥塘洗馬池荷花塘及二十八宿井以制之又云山上不可栽木自崇禎十一年大風木盡拔自此火患漸減又云兩峰象牙多出侍御

台州府部雜錄

輟耕錄吾鄉于佩遠先生題金鰲山詩曰金鰲之山金碧浮重元寶坊居上頭鐘聲夜度海門月樹色遠攬豐山秋龍伯國人真妙手掣此巨靈鎮江口丹丘逸士來跨之石窪爲尊江當酒黃鸝天子七寶鞭黃頭漁郎耀江船百年塵跡果何在芒屨雲去山蒼然歷試諸難固天造中興開國何草草腹心有疾日月昏英雄無聲天地老兩官不歸汴水流此地空傳帝子遊惜無健筆驅風雨一洗江山萬古愁此詩至今

喻炙人口山枕海屬臨海縣章安鎮初宋高宗在潛邸日泰州人徐神翁云能知前來事輩聞言於徽宗召至以賓禮接之一日獻詩於帝曰牡蠣灘頭一艇橫夕陽西去待潮生與君不負登臨約同上金鰲背上行及兩宮北狩匹馬南渡建炎庚戌正月三日帝航海次章安鎮灘淺開舟落帆於鎮之福濟寺前以候潮顧問左右曰此何山曰金鰲山又問此何所曰牡蠣灘因默思神翁之詩乃屏去警蹕易衣徒步登岸見此詩在寺壁問題墨若新方信其爲異人也時住持僧方陞坐道祝聖之詞帝跽忽前聞其稱讚之語甚喜戒左右勿驚怖而諦聽之少焉千乘萬騎畢集始知爲六龍臨幸野僧初不閑禮節恐怖失措從行有司教以起居之儀山下曰黃椒村村之婦女聞天子至咸來瞻拜龍顏歡聲如雷曰不徒今日得親天日帝喜勅夫人各自逐便故至今村婦皆曰夫人雖易世其稱謂尚然不改宋史但載御舟幸章安鎮而不見金鰲之詳偶與張善初話鄉中舊事因筆之善初章安人也

名山福地記玉京洞在赤城右脅蓋十八洞天之第六周三百里會稽志載越之諸暨亦有玉京洞及考徐靈府小錄云其下別有洞臺方二百里南馳縉雲北接四明東距渤海西通剡川其說亦誕而難信

會稽志載司馬梅橋在新昌縣東南四十里舊傳司馬承禎被召至此而悔因以爲名後人重建此橋錯書梅字爲晦其義益舛按雲笈七籤載司馬梅山在天台山北係十六福地李明仙人所治之處山在天台新昌二境間橋以山得名非爲司馬承禎設也昔

人有題云道書司馬悔福地在天台茲山秀盤古億載青崔巍如何越中志紀載殊未該浪云唐子微曾過茲橋來奉詔悔輕出欲勒俗駕回觀此益見

青溪在縣西五里按宋靈運登臨海嶠詩云旦發青溪陰又唐元宗送司馬承禎云青溪祖逸人皆作青字俗呼爲清者誤

明一統志載天姥峰在天台西北與天台山相對李太白天姥吟云天姥連天向天橫勢拔五嶽掩赤城蓋此山舊屬天台自五代間錢氏分台割剡置新昌縣故不載

黃振嶺在縣東四十里與臨海分界范志作王進嶺謂宋高宗嘗從此嶺進幸周氏宅題詩於壁云秋入幽巖桂影團芳心日夕照林丹應知月窟天香種染得朝霞下廣寒後人因以名嶺稍東十五里爲王愛山亦以高宗坐玩得名舊志以高宗止至章安鎮而回未嘗至天台其詩想係宗室大臣避亂者作

顧儒嶺因顧歡名見宋以前諸志俗傳宋文公與徐竹溪講學去而復顧因以名嶺此附會之甚者也前志稱漢興平四年置始平縣興平漢獻帝紀年也止二年而改建安今止書興平間而不書年分

一統志載台之風俗其人樸靜其俗儉約吳荆溪子良記也閭閻典禮讓罔固長榛蕪陳古靈襄詩也二公一在朱慶元一在朱嘉定去今日猶未遠也今當承平熙洽之世禮遜之風當益盛樸靜之俗當益厚乃有以狠鬪健訟稱吾邦而號爲難治者其誣也不亦甚哉如果難治豈吾民之罪也哉

天台縣志天台山在縣北三里自神蹟石起按陶弘景真語云高一萬八千丈週迴八百里有八重四面如一十道志謂之頂戴三辰或曰當牛女之分上應台宿故曰天台顧野王輿地志云天台山一名桐柏衆嶽之最秀者也徐靈府記云天台山與桐柏接而少異神邑山圖又採浮屠氏說以爲閭浮震旦國極東處或又號靈越孫綽賦所謂託靈越以正基是也按諸書名稱不同惟天台乃其正號餘亦各有所據獨上應台宿之語雖本道書邈不可考爾

台州府部外編

臨海縣志台州有桃都山山上有大桃木木上有天雞日出照桃木天雞即鳴天下之雞聞之即鳴下有兩鬼持葦索執不祥之鬼食之俱荒誕不能指其所

靈應錄台州海壖有漁者死信宿而活云被人追往一處入院宇中見先舅氏在其間似爲世之曹吏謂漁者曰追者悞矣姓名同爾呼追者曰是溫州界某速押斯人回去當別之際謂曰舅在此甚驅馳爲向骨肉間言造楞嚴經救拔餘無所要又戒之曰爾之業不善還世改求衣食良久有人報上司有帖下云來歲在戊子諸道兵起惟江南疫死數千人處分水府減魚料一百萬頭追者促行回至所居驚覺其家

正欲殯次年諸道大疫漁者乃爲行者

台州有民姓王常祭廟神一日至其所見著黃衣女子民問何許人答曰非人乃廟神也感君敬我今來相報乃曰君聞螻蟻言否民謝不聞遂懷中取小合子以指點少膏如口脂塗民右耳下戒之曰或見蟻

子耳聆之必有所得良久而滅民明日見柱礎下羣蟻紛紜憶其言乃聽之果聞相語云移穴去暖處傍有間何故答曰其下有寶甚寒民伺蟻出訖掘之獲白金十錠

仙居縣志界院寺舊有金剛二座像頗莊嚴至正間一夕托夢遍告里人曰寺其墟矣吾當他徙以自完明日衆往觀之像果無有須臾寺圯

欽定古今圖書集成方輿彙編職方典

第一千三百目錄

金華府部彙考一

金華府建置沿革考

金華府疆域考

金華府星野考

金華府山川考一

形勝附



職方典第一千三卷

金華府部彙考一

金華府建置沿革考

本府

通志

古揚州之域也夏封爲於越春秋戰國吳越兼併由楚而秦初置烏傷縣屬會稽郡漢封荆國後又封吳國地在封內國除仍屬會稽郡新莽改烏傷爲烏孝光武時復其名初平三年析烏傷置長山縣吳赤烏八年又析置末康縣俱屬會稽郡寶鼎元年分會稽置東陽郡以其郡在金華山之陽激水之東也而烏傷長山末康屬之晉分天下爲十九州揚州統郡十八東陽隸焉宋元嘉三十年分揚州爲會州統東陽郡孝建初改會州爲東揚州後併入揚州改揚州刺史曰牧東陽隸焉梁普通六年復立東揚州統東陽郡十年割吳郡之建德來屬大同六年改東陽郡爲金華郡尋復舊陳永定三年省東揚州并屬揚州改東陽郡爲縉州尋復立東揚州

屬之隋開皇九年省東揚州廢東陽郡置婺州蓋以天文爲婺女分野因名州云改長山縣曰吳寧婺州仍領縣三日末康烏傷吳寧十二年改吳寧爲東陽十八年改東陽爲金華大業初改婺州爲東陽郡唐武德四年改東陽郡爲婺州改末康爲麗州烏傷爲縉州以建德縣隸嚴州六年廢縉州爲義烏縣麗州爲永康而婺州之領縣三日末康義烏金華貞觀元年婺州隸江南道咸亨五年析金華西郡置蘭谿縣垂拱二年析義烏之東置東陽縣仍郡舊名也改金華縣爲金山人授初析永康置武義縣尋改爲武成長安四年改金山人仍爲金華開元二十一年婺州隸江南東道天寶元年改婺州爲東陽郡領縣六曰金華義烏永康東陽蘭谿武成十三載析義烏之北鄙與蘭谿之東二鄉置浦陽縣至德二載分江南爲浙東西道東陽郡隸東道乾元元年復以東陽郡爲婺州大曆十四年合浙東西爲兩浙道建中初復分爲浙東西道二年合貞元三年復分分時婺屬於東天祐中改武成爲武義縣梁開平初封錢鏐爲吳越王婺屬吳越國貞明三年改浦陽爲浦江縣東陽爲東陽縣晉天福四年升婺州爲武勝軍又升爲武勝府宋太平興國三年錢俶納土吳越國除改東陽爲東陽縣婺州領縣七曰金華義烏永康東陽蘭谿武義浦江淳化元年改武勝軍爲保寧軍至道三年婺州屬兩浙路熙寧七年分浙東西爲兩路九月復合爲一九年復分十

年復合分時婺屬於東紹興二年分浙爲東西二路東路治紹興府督婺州元至元十四年改爲婺州路屬江淮行省二十一年改曰江浙等處行中書省婺州路屬之又置浙東海右道肅政廉訪司於婺州路元貞初升蘭谿爲州屬本路明克元改婺州路爲寧越府尋又改爲金華府洪武元年改江浙爲浙江等處行中書省金華府隸焉二年復以蘭谿爲縣九年改行中書省爲承宣布政使司金華府隸焉領縣七成化七年析義烏置湯溪縣而金華府之領縣八曰金華蘭谿東陽義烏永康武義浦江湯溪

皇清因之

金華縣

附郭

東漢析烏傷置長山縣屬會稽郡三國吳長山縣屬東陽郡晉宋齊梁陳因之隋改名吳寧又改名東陽後改爲金華縣屬婺州唐改名金山尋復名金華屬婺州後五代金華縣屬吳越國宋金華縣屬婺州元金華縣屬婺州路明金華縣屬寧越府尋屬金華府

皇清因之

蘭谿縣

唐析金華置蘭谿縣屬婺州後五代蘭谿縣屬吳越國宋蘭谿縣屬婺州元升爲蘭谿州屬婺州路明復爲蘭谿縣屬寧越府尋屬金華府

皇清因之

東陽縣

唐析義烏置東陽縣屬婺州後五代改名東陽